

ՄՈՒՐԱՑԱՆԻ ՄԻ ՔԱՆԻ ԱՆՏԻՊ ՆԱՄԱԿՆԵՐԸ

Հայկական ՍՍՌ Պետ. Մատենադարանի արխիվային ֆոնդերում պահվում են հայ նշանավոր վիպասան Մուրացան (Գրիգոր Տեր-Հովհաննիսյան, 1854—1908) հինգ անտիպ նամակներ՝ ուղղված Կյուրեղ Սրապյանին, Կարապետ Կոստանյանին և Գարեգին Հովսեփյանին, ինչպես նաև Մկրտիչ Կաթողիկոսին (Խրիմյան Հայրիկ) հասցեագրած դիմումը, որոնք գրված են 1892—1906 թթ.:

Այդ նամակներից երկուսը ուղագրով են նրանով, որ վերաբերում են հայ հասարակական և կրթական կյանքի առանձին հարցերին: 1892 թ. ապրիլին Մուրացանը մի նամակով դիմել է Բարձի հոգևոր գործիչ Կյուրեղ Սրապյանին՝ խնդրելով նրան օգնելու «Նոր-Դար» թերթի խմբագիր Սպանդար Սպանդարյանին՝ նյութական սուղ պայմանների հետևանքով փակման վտանգի առաջ կանգնած թերթի համար միջոցներ հայթայթելու գործում: 1899 թ. սեպտեմբերի 20-ին գրած նամակով Մուրացանը հայ մշակույթի շատ գործիչների նման ողջունում է Էջմիածնի Գևորգյան Ճեմարանի հիմնադրման 25-ամյակը և 150 կտոր գիրք է նվիրում Ճեմարանին:

Նամակներից երկուսը զգալի արժեք ունեն Մուրացանի գրական ստեղծագործական կենսագրության համար: Մուրացանը այն ականավոր արձակագիրներից էր, որը դիմեց պատմական թեմատիկային և ստեղծագործեց պատմական նշանավոր երկեր: Նա ուսումնասիրել է հայ ժողովրդի անցյալը և պատմական հուշարձանները, շատ պատկերավոր կերպով անդրադարձնելով դրանք իր ստեղծագործության մեջ: 1904 թ. օգոստոսի 6-ին գրած մի նամակում նա խոսում է դեպի պատմական հուշարձաններով հարուստ վայրերը կատարած իր այցելություններից մեկի մասին: Մյուս նամակում Մուրացանը ակնարկում է ցարական զբոսնության մասին: Ինչպես հայտնի է, 1905 թ. ռուսյուցիայի ժամանակ զբոսնությունը Ռուսաստանում շատ խստացվեց: Յուրաքանչյուր զբոսական ստեղծագործության վրա կասկածանքով էին նայում և հրատարակությունը արգելում կամ ձգձգում որոշ ժամանակ: Այդ բախտին է արժանացել նաև Մուրացանի երկերից մեկը:

Անցյալում հայ գրողի նյութական ծանր վիճակը պատկերացնելու տեսակետից ուղագրով են Մուրացանի 1904 թ. հոկտեմբերի 29-ին գրած նամակը և Կաթողիկոս Մկրտիչ Խրիմյանին ուղղված՝ 29 նոյեմբերի 1906 թվակիր դիմումը:

Հուսով ենք, որ սույն վավերագրերի հրապարակումը կնպաստի ականավոր գրողի կյանքի և գրական գործունեության որոշ հարցերի լուսաբանությանը:

Ա. Հ. ԱԳԱՄՅԱՆ

Արժանապատիվ հայր սուրբ
Կյուրեղ վարդապետ Սրապյան
ի Բագու

Ձեռ հետ ծանոթանալույս ի վեր առիթ չեմ ունեցած Ձեր արժանապատվության հետ գրագրություն անելու, սակայն հույս ունեմ, որ ինձ մոռացած չեք: հատկապես և ներկա դրությանս ուղագրություն առնուլ պիտի հաճեք:

Պ. Սպանդարյանը առաջները Բագու եկած լինելով, խոսել էր այդտեղ մի ասնի անձանց, ընդ որս և Ձեր արժանապատվության հետ՝ «Նոր-Դար»-ի անասպետով դրություն մասին և նրան խոստացել էին այդտեղ աշխատել՝ թերթը

ապահովելու համար և աշխատության արդյունքի մասին հարկ եղածը տեղեկացրել իրեն, Պ. Դուրխանյանը, որ խոստացել էր գործին գլուխ անցնել, մինչև անգամ պ. Սպանդարյանի նորեն Բագու գալը ավելորդ էր համարած, ասելով որ ամեն ինչ ինքը կկարգադրե: Բայց ահա բավական ժամանակ անցավ և պ. Սպանդարյանը ոչ Ջեր արժանապատվությունից և ոչ պ. Դուրխանյանից ոչ մի առիթով չառավ, խոստացված աշխատության գործադրության և նրա արդյունքի մասին:

Եվ որովհետև գնալով լրագրի դրույթունը ծանրանում է, հին բաժանորդները ապառիկները չեն ղրկում, իսկ նոր բաժանորդներից ստացվածները հետըզհետե ընթացիկ պարտքերին վճարելով հին պարտուց բեռը մնում է անշարժ և թերթը ամրան ամիսներում դադարելու վտանգին է մոտենում:

Այսպիսի հանգամանքներում այլևս անհնար լինելով սպասելն, պ. Սպանդարյանը վաղը արդեն ճանապարհվում է Բագու, այդ գործը գլուխ բերելու համար յուր բարեկամների օգնությանը դիմելու: Իսկապես մեծ է նրա հույսը Ջեր արժանապատվության վրա և մենք բոլորս էլ հավատացած ենք, որ Ջեր ազդեցիկ միջամտությունը հաջողության գրավական կարող է լինել այդ գործի համար, եթե «Նոր-Դար»-ի բարեկամները այս անգամ ևս սպասված եռանդով չեն վերաբերվիլ նրա ապահովության գործին, այն ժամանակ արդեն «Նոր-Դար»-ի հարատևության հույսը կորած պետք է համարել: Նա անպատճառ կդադարի և այս ամենամեծ կորուստը կլինի մեզ համար, որովհետև նույն հոգվով և ուղղությամբ թերթ էլ ոչ կհրատարակվի և ոչ իսկ հրատարակելու իրավունք կտան մեզ:

Քաղցր է ինձ հուսալ որ այս անգամ պ. Սպանդարյանի գալուստը նախորդ գալստյան բաղդը չի ունենար և որ Ջեր արժանապատվությունը հարկ եղած աշխատությունը գործ կդնի արժանավորագույն գործերից մինի՝ «Նոր-Դար»-ի ապահովության գործի հաջողության նպաստելու:

Ջեր բարձր արժանապատվության
ամենախոնարհ ծառա
Մուրացան

8 ապրիլի, 1892, Թիֆլիս

Առ բարձրապատիվ տեսուչն Ս. էջմիածնի գերագույն ժառանգավորաց
նեմաբանի
առժանապատիվ հայր

Երջանկահիշատակ Դեորդ Դ կաթողիկոսի հավետ ազգօգուտ հիմնարկությունը՝ ժառանգավորաց ճեմարանը իրավամբ է տոնում այսօր յուր գոյության քսանհինգամյա տարեդարձը, վասնզի այդ քառորդ դարում նա ապրել է արդյունավոր կերպով և չնայելով որ հաճախ շրջապատված է եղել անհամբույր հանգամանքներով, այսուամենայնիվ, նա տվել է ազգին բարի պտուղներ:

25 տարին, ընդհանրապես, մեծ ժամանակ չէ, բայց հայ ժողովրդի մեջ հիմնված և նրա համար ապրող մի հաստատության համար՝ կառի երկար շրջ-

1 Հայկական ՍՍԻ Պետ. Մատենադարան, Արխիվային բաժին, Անհատական արխիվների ֆոնդ, ԽՊ. № 82, վավ. № 902:

ջան համարելու է: Երբ երջանկահիշատակ կաթողիկոսի ձեռակերտն հաղիվ ուրեմն ավարտյալ հոռ ճարակ դարձավ (ես հիշում եմ տխրությամբ), մի համարյա անակա՛ն հայ վարդապետ, որ հետո եպիսկոպոսեցավ, այդ լուրն առնելուն պես, ուրախության տոն կատարեց պալատական քաղաքներից մինում և այդ տոնին հրավիրեց յուր սրահից բարեկամները: Երբ ես վրդովյալ հարցուցի թե՛ «ինչո՞ւ հայ վարդապետը այդօրինակ շարախնդություն է արտահայտում մեր կրթական դորձին հասած ծանր հարվածի նկատմամբ», նա պատասխանեց. — «Էջմիածինը պիտի քանդվի, որովհետև այդտեղից օգուտ չէ գալու մեզ»: Եվ նա այդ ասում էր այն պատճառով, որ ինքն այդ միջոցին հրաժարեցրված էր պաշտոնից...

Այս տխուր դեպքը ես հիշում եմ նրա համար, որ ապացուցանեմ թե՛ արդարեւ, Գևորգյան ճեմարանի 25 տարի գոյություն ունենալը և շահավոր կերպով գործելը այնպիսի մի ժողովրդի մեջ, որ ծնում և սնուցանում է հիշածս վարդապետի նման անձինք, մի նշանավոր երևույթ է և անձնվեր գործունեության կատարյալ հաղթանակ:

Թող ապրի, ուրեմն, այն հույսը, որ Գևորգյան ճեմարանի հիմունքը հաստատեց, թող աճի այն սերը, որ այդ տաճարի պաշտոնյաների սրտում անձնվիրության զգացումը վառեց, որով և նրա քսանհինգամյա գոյությունը արդյունավոր դարձուց և թող մեզ ամենիս ողորբե այն հավաք թե՛ Գևորգյան ճեմարանը՝ իրրեւ անշիջանելի ջահ՝ պիտի վառի շարունակ լուսավորչաշէն Տաճարի հովանավունքն ներքո և լուսավորե հայ ժողովուրդն հոգվո և մտաց անկապտելի լուսով: Եվ բարձրելույն Աջը, որ միակ զորավիճն է մեզ այսօր, թող հաստատ և անխախտ պահե լուսո այդ Տաճարը և փրկե նրան այնպիսի փորձանքներից, որոնց դեմ անկարող ենք մենք կռվել...

Մատչելով ի համբույր Սուրբ Աջո Վեհափառ հովանավորողի Ուսման Տաճարից, ես ևս հայր Տեսուչ, իրրեւ անդամ հայ ժողովրդյան, շտապում եմ հայտնել իմ սրտագիր ուրախությունն ու շնորհավորանքն հարգարժան վարչության Գևորգյան ճեմարանիդ և հայտարարել թե ցանկանալով գեթ մի բանով օգտավետ լինել վերջնույս, ուղարկում եմ իմ կողմից ճեմարանի գրադարանին և վեր հարյուր հիսուն հատորի չափ գիրք, որոց ցուցակը ընդնմին և գրքերը փոխադրող ընկերության ընկալագիրը ներփակում եմ նամակիս մեջ:

Թեպետ ուղարկածս նվերը արժեք չունի, բայց և այնպես նա կարող է մասամբ ծառայել ճեմարանի գրադարանի ամբողջացմանը: Ուստի խնդրում եմ ընդունել այն իրրեւ զլումա աջովուն և զետեղել գրադարանում ի հիշատակ ճեմարանի քսանհինգամյա տարեդարձի¹:

Ամենախորին հարգանք՝
Մուրացան

20 սեպտեմբերի 1899 թվի,
Թիֆլիս

Բարձրապատիվ հայր Գաբրիել վարդապետ ի Գանձասար

Հուլիս 11 թվով Ձեր պատվական նամակն, որ Աղղամից փոստ էր ձգված նույն ամսո 20-ին, ստացա տեղս 21-ին:

¹ Հայկական ՍՍԻ Պետ. Մատենադարան, Արխիվային բաժին, Անհատական արխիվների ֆոնդ, թղթ. № 185, վավ. № 35:

Շատ ուրախ եմ որ Դուք արդեն վայելում եք Գանձասարու մաքուր օդը, ջուրը և հիանում նրա հրաշալի տեսարաններով, որոնք երբեմն այնքան շատ սիրելի էին ինձ և այսօր էլ կարի տենչալը, բայց ցավելով ցավում եմ, որ չի պիտի կարողանամ խոստումս կատարել: Այսօր արդեն օգոստոսի 6-ն է և ես դեռ այրվում եմ Թիֆլիսում, էլ ե՞րբ կարող եմ գալ Շուշի որ Ձեր ավճալին էլ հասնեմ:

Պարոն Թումանյանին էլ չեմ պատահում, կարծեմ նա Շուշիում է: Համենայն դեպս եթե կարողացա ելնել տեղիցս ամսույս 10-ին, հետո կվեր-: ցընեմ էստամբի թուղթ, գուցե հաջողիմ հասնել Ձեզ:

Տիրայր և Կոմիտաս հայր սուրբերի հետ մի քանի օրով գնացինք Սանա-: հին— շատ գոհ էի այդ ուխտագնացությամբս: Կանայանն էլ այնտեղ էր էս-: տամբածով արձանագրություն էր հանում: Սանահին ինձ վրա թողած տպա-: վորությունն էլ շատ մեծ էր, մանավանդ նրա շրջականերին, բայց Գան-: ձասարին չի հասնիլ նա յուր հորիզոնի շփելությամբ:

Սիրալիք ողջուն Արթ. Անտոն վարդապետին, շնորհակալություն իմ կենա-: ցը խմելու համար: Պիտի աշխատեմ դալ Գանձասար և նրա պատմական կալի: վրա խմել երկուսիդ կենացները: Տեսնենք աստված ինչպես է հաջողում:

Շատ գրադված եմ գործերով. ներողություն եմ խնդրում ուշ պատաս-: խանելուս և շտապ-շտապ ու խառն գրելուս համար¹:

Ընդունեցեք իմ ջերմագին ողջուններն, որով մնում եմ միշտ

Ձեզ անձնվեր և խոնարհ ծառա

Մուրացան

6 օգոստ., 1904, Թիֆլիս

Բարձրապատիվ հայր

Գաբեգին վարդապետ

Երևան

Վաղուց է Ձեզանից տեղեկություն չունեմ, բայց հուսամ ողջ առողջ եք և: րազմամեղիս համար աղոթարար:

Ձեզ ղրկածս 50 օրինակ գրքերի վիճակը չիմացա ինչպես տնօրինեցիք: Ձեր 17 բաժանորդներից 3-ին ինքս եմ գրքերը ղրկել, այն է՝ օր. Ջարուհուն, Հուսիկ վարդապետին և Անտոն վարդապետին: Մնացյալից էլ թե որքան եք Դուք տեղավորել և որքան է մնում, կցանկանայի իմանալ, նույնպես թե՝ որոնցից եք լրիվ ստացել բաժնեդները և որո՞ց վրա կա ապագիկ: Այդ հա-: շիվը Դուք հեշտությամբ կարող եք պարզել, ըստ որում Ձեզ մոտ են գտնվում անդորրագրերի արմատները: Թեպետ մի ցուցակ ստացած եմ Ձեզանից, բայց կուզենայի մի լրացուցիչ ցուցակ էլ ունենալ, գուցե նոր բաժանորդներ էլ ոմնեք, որոնք չեն մտած հին ցուցակը:

Արթ. Վահան Ավագ քահանա Վաչիյանցը երևանից գրած և խնդրած էր ինձ ուղարկել իրեն նվեր իմ երկասիրություններից մի օրինակ, առարկելով թե՝ յուր տանն ունի փոքրիկ գրադարան, որից օգտվում են այն աշակերտ-: ներն ու աշակերտուհիներն, որոնք հասարակաց ընթերցարան հաճախել չեն

¹ Հայկական ՍՍՌ Պետ. Մատենադարան, Արխիվային բաժին, Անհատական արխիվների ֆոնդ, թղթ. № 185, վավ. № 13:

կարողանում, իսկ ինքը միջոց չունի ամեն գիրք փողով առնելու: Եթե ճիշտ է, խնդրեմ հաճեք ուղարկել նրան մի օրինակ, ևս հիշյալ քահանային ճանաչելու պատիվ չունեմ, բայց թե նա իրոք միջնորդ է հանդիսանում հայ ընթերցանության տարածելու, մեր պարտքն է օգնել նրան:

Ուրիշ կարևոր հաղորդելիք չունենալով, մնում եմ սրտագին ողջունենալով Ձեր բարձր Արժանապատվության խոնարհ ծառա

Մուրացան¹

29 հոկտ., 1904, Թիֆլիս

Իմ հասցեն՝ Ртищевская № 15 Мурацан

Բարձրապատիվ հայր
Գաբելին վարդապետ

Ամսույս 20 թվով գրած Ձեր պատվական նամակը—ներփակյալ հիստո-
րիորդ հետ—ստացա, որի համար հայտնում եմ սրտագին շնորհակալությունս:

Այդ գումարը արձանագրեցի Ձեր արժանապատվության անվամբ բաց-
ված հաշվի պահանջ, որով Ձեզ ղրկված անդորրագրերի և գրքերի դիմաց ստա-
ցած եղա Ձեզանից 125 ռուբլի:

Որ հաշիվ չեք ուղարկում, հոգ չէ, միայն թե ժամանակ ունեցածդ միջոցին,
հաճեցեք ղրկել ինձ Ձեր գտած բոլոր բաժանորդների ցուցակը, որպեսզի չար-
ձանագրվածների մատյանի մեջ արձանագրեմ և ապագայի համար ոչինչ չմո-
ռացվի: Ընկալադիրներ եք խնդրած, այս երկու օրը կուղարկեմ սիրով և ընդ
մին կանխավ իմ ջերմագին շնորհակալությունը Ձեզ մատուցանելով:

Ընդունեցեք, սիրալիր հայր

Իմ սրտագին հարգանքը, որով մնում եմ միշտ
Ձեր խոնարհ ծառա Մուրացան

25 հունվարի, 1905, Թիֆլիս

Հ. Գ. Երկրորդ հատորն հույս ունիմ շուտով ավարտելու Գրաքննիչի կող-
մից մեջ բերած մի կնճիռ որոշ ժամանակ խլեց ինձանից²:

Ի 29 նոյ. 1906

Նորին վեհափառության Տ. Տ. Մկրտչի սրբազնագույն Կաթողիկոսի

Ամենայն Հայոց

Գրիգոր ՏԵՐ Հովհաննիսյան
Մուրացանից

Խոնարհ խնդիր

Աստվածարյալ Սուրբ Հայրապետ, ներեցեք, որ ընդհանուր վշտի և աղետ-
ների այս օրերում, երբ զրսնն ու ներսնն հասած հարվածներից Ձեր հայրա-
կան սիրտը հանձունս վիրավորված է, ևս անձնական կարիքից ստիպված,

¹ Հայկական ՍՍԽ ՊԼՄ. Մատենագրան, Արխիվային բաժին, Անհատական արխիվների
ֆոնդ, թղթ. № 185, վավ. № 14:

² Նույն տեղում, թղթ. № 185, վավ. № 15:

զալիս եմ ամենախոնարհ պատկառանք հայրապետական հովանին և դայն արգիլնավորող տնօրինությունը հայցելու:

Ձեզ, վեհափառ տեր, այնքան սիրելի է եղել հայ գրականությունը, որ անշուշտ անհայտ չի լինի Ձեզ, թե ինչպես երեսուն երկար տարիներն է Վեր աշխատած եմ անխոնջ և անձնվեր հայ գրական ասպարեզում. դրան եմ նվիրել իմ երիտասարդության և իմ ողևորության լավագույն տարիները, իմ մտավոր կարողության ազնվագույն արդյունքը, աշխատել եմ հարստացնել հայ գրականության վիպական մասը, առանձին խնամք ունեցել մանավանդ հայոց լեզվի կառարելության վրա և այդ աշխատության մեջ ես ոչ մի նյութական վաստակ չեմ ակնկալել: Միևնույն միջոցին ես աշխատել եմ մասնավոր հաշվապահական պաշտոնում հայթայթել իմ ընտանիքի ապրուստը և ուսում տալով իմ զավակներին հասցրել մինչև միջնակարգ դպրոցներն ավարտելը:

Այժմ բժիշկներե՛ք վկայությամբ, ինչպես ցույց է տալիս այս խնդրին կցած վկայագիրը, ես բոլորովին անկարող եմ դարձել աշխատելու, մինչդեռ ինձ վրա ծանրանում է ինչպես իմ ընտանիքին ապրուստ մատակարարելու, այնպես և երեք զավակներիս ուսման տալու հոգսը: Իմ անդրանիկ որդի Գուրգենը ավարտել է Հայդելբերգի իննդասարանյան բնալ գեմնադիոնը և ընդունվել Բերլինի կայսերական բաղմարվեստյան բարձրագույն վարժարանը (պոլիտեխնիկում), որին ի հաստատություն ներկայացնելով նույն վարժարանի տված վկայագիրը, խոնարհարար աղաչում եմ բարեհաճել կարգադրել, որ Ա. Ղուկասյանի երկու աշխարհական սաների բարձրագույն կրթություն տալու համար հատկացած թոշակներից մեկը շնորհվի հիշյալ որդու: Այդ երկու թոշակներն էլ այժմ ազատ են և ես հուսալով որ իմ խոնարհ խնդրի կատարումը ոչ մի արգելքի չի հանդիպի, ամենայն ակնկալությամբ սպասում եմ Ձերդ վեհափառության բարեհաճ տնօրինությանը և խորին ակնածությամբ մատչելով ի համբույր սրբասնյալ աջույդ:

Մնում եմ վեհափառ Հորդ ամենախոնարհ
Ժառա Գրիգոր Տեր Հովհաննիսյան
Մուրացան¹

НЕСКОЛЬКО НЕОПУБЛИКОВАННЫХ ПИСЕМ МУРАЦАНА

А. А. АДАМЯН

(Р е з ю м е)

В архивном фонде Гос. Матенадарана хранится часть эпистолярного наследия видного армянского писателя Мурацана (1854—1908). Публикуемые ныне письма, адресованные различным лицам, написаны Мурацаном в 1892—1906 гг. и представляют определенный интерес для изучения творческой биографии писателя.

¹ Հայկական ՍՍՌ Պետ. Մատենադարան, Արխիվային բաժին, Գեորգյան ճեմարանի արխիվ. թղթ. № 56, վավ. № 14, էջ 20: